

ODLUKA O UTVRĐIVANJU OSNOVICA, STOPA I NAČINU OBRAČUNAVANJA I UPLATE NAKNADA ZA OBAVEZNO ZDRAVSTVENO OSIGURANJE NA PODRUČJU KANTONA SARAJEVO*

(”Službene novine KS”, br. 29/09, 20/16, 40/19 i 21/25)

I. OPĆE ODREDBE

Član 1.

(Predmet Odluke)

(1) Ovom odlukom utvrđuju se:

- a) vrste **naknada** za osnovno/obavezno zdravstveno osiguranje (u daljnjem tekstu: **naknade**);
- b) obveznici **naknada** za obavezno zdravstveno osiguranje;
- c) obveznici obračuna i uplate **naknada** za obavezno zdravstveno osiguranje;
- d) osnovice **naknada** za obavezno zdravstveno osiguranje koje nisu utvrđene Zakonom o doprinosima;
- e) stope **naknada** za obavezno zdravstveno osiguranje koje nisu utvrđene Zakonom o doprinosima;
- f) način obračuna i uplate **naknada** za obavezno zdravstveno osiguranje.

(2) Ovom Odlukom ne utvrđuju se osnovice, stope, obveznici **naknada** i obveznici obračuna i uplate **naknada** koji su utvrđeni odredbama Zakona o doprinosima (*izmjena 20/16*).

Član 2.

Naknade iz člana 1. ove Odluke su prihod Zavoda zdravstvenog osiguranja Kantona Sarajevo (u daljnjem tekstu: Zavod) (*izmjena 20/16*).

II. NAKNADE OBAVEZNOG ZDRAVSTVENOG OSIGURANJA

Član 3.

(Vrste naknada)

Naknade se obračunavaju i plaćaju (*izmjena 20/16*):

- a) iz ličnih primanja i drugih prihoda osiguranika;
- b) na isplaćena lična primanja na teret poslodavca;
- c) iz drugih izvora utvrđenih ovom Odlukom.

Član 4.

(Obveznici naknada)

- (1) Obveznik **naknada** iz člana 3. tačka a) ove Odluke je fizičko lice.
- (2) Obveznik **naknada** iz člana 3. tačka b) ove Odluke je poslodavac odnosno fizičko lice.
- (3) Obveznici **naknada** iz člana 3. tačka c) ove Odluke su zavodi, fondovi, organi uprave i druga pravna ili fizička lica određena zakonom o zdravstvenom osiguranju, ovom odlukom i drugim propisima (*izmjena 20/16*).

Član 5.

(Najniža osnovica za obračun naknada)

Osnovica za obračun **naknada** ne može biti niža od najniže plaće utvrđene Općim kolektivnim ugovorom za teritoriju Federacije BiH, osim u slučajevima kada je to definisano Zakonom o doprinosima (*izmjena 20/16*).

III. OBVEZNICI OBRAČUNA I UPLATE NAKNADA ZA OBAVEZNO ZDRAVSTVENO OSIGURANJE

Član 6.

(Obveznici naknada)

Obračun i uplatu **naknada** za obveznika iz člana 3. tačka a) i b) ove Odluke vrši (*izmjena 20/16*):

* Odluka je objavljena u “Službenim novinama KS”, broj 29/09 od 22. oktobra 2009. godine, stupila je na snagu 22. oktobra 2009. godine. Izmjene i dopune Odluke su objavljene u “Službenim novinama KS”, broj 20/16 od 19. maja 2016. godine, stupile su na snagu 27. maja 2016. godine, 40/19 od 10. oktobra 2019. godine, stupile su na snagu 11. oktobra 2019. godine i 21/25 od 29. maja 2025. godine, a stupile su na snagu 30. maja 2025. godine. Odluka je donijeta na osnovu čl. 84. i 85, a u vezi sa članom 103. alineja 3. Zakona o zdravstvenom osiguranju Federacije BiH i člana 9. Zakona o doprinosima Federacije BiH. Radi lakšeg prepoznavanja šta je u izmjenama i dopunama Odluke promijenjeno, tekst izmjena i dopuna odštampan je masnim slovima u svim izmijenjenim članovima.

KS - Odluka o utvrđivanju osnovica, stopa i načinu obračunavanja i uplate naknada za obavezno zdravstveno osiguranje

- a) poslodavac za zaposlenika koji je zaposlen sa nepunim radnim vremenom,
- b) vjerska zajednica za zaposlenike koji profesionalno obavljaju funkciju i poslove u vjerskim zajednicama;
- c) vlasnik privrednog društva sa sjedištem na području Kantona Sarajevo, ako nije obavežno osiguran po drugom osnovu.

Član 7.

(Ovlaštenje za obračun i uplatu naknada)

Obračun i uplatu **naknada** iz člana 3. tačka c) ove Odluke vrši (*izmjena 20/16*):

- a) isplatilac naknade za zaposlenika koji se nalazi na porodiljskom odsustvu;
- b) poslodavac odnosno nadležni organ za zapošljavanje za lica koja se nakon završenog obrazovanja nalaze na obaveznom radu radi sticanja praktičnih iskustava;
- c) kantonalna služba za zapošljavanje za lica iz člana 19. stav 1. tačka 12., 13. i 14. Zakona o zdravstvenom osiguranju;
- d) lica koje se prijavljuje na lično obavezno zdravstveno osiguranje jer mu zdravstvena zaštita nije obezbijeđena po drugom osnovu a ima sredstva za izdržavanje;
- e) nadležni nosilac penzijskog i invalidskog osiguranja entiteta odnosno Distrikta Brčko - isplatilac penzije za državljane Bosne i Hercegovine koji imaju prebivalište na području Kantona Sarajevo;
- f) strani državljanin i lica bez državljanstva kojima je odobren boravak u Federaciji BiH na području Kantona Sarajevo;
- g) nadležni organ uprave Federacije BiH:
 - 1) za učenike i studente vojnih i policijskih škola i akademija ako nisu osigurani po drugom osnovu;
 - 2) za lica na odsluženju vojnog roka;
- h) organ uprave kantona nadležan za poslove socijalne i dječije zaštite:
 - 1) za djecu od rođenja do polaska u osnovnu školu, koja nisu osigurana po drugom osnovu **te za djecu do navršениh 15 godina starosti života, koja ne pohađaju osnovnu školu, koja nisu osigurana po drugom osnovu** (*izmjena 21/25*);
 - 2) za lica nakon navršениh 65 godina života, koja nisu zdravstveno osigurana po drugom osnovu;
 - 3) za lica civilne žrtve rata i **civilne invalide**, ako nisu osigurana po drugom osnovu (*izmjena 20/16*);
 - 4) **djeca do 15 godina života koja su ostvarila pravo na dječiji dodatak ako nisu osigurana po drugom osnovu** (*izmjena 20/16*);
 - 5) za lica iz člana 24. stav 1. tačka 1, 2. i 3. Zakona o zdravstvenom osiguranju;
 - 6) za **lica** koja primaju stalnu novčanu pomoć, ako nisu osigurana po drugom osnovu (*izmjena 20/16*);
- i) organ uprave kantona nadležan za obrazovanje, za učenike i studente koji nisu osigurani po drugom osnovu;
- j) **organ uprave kantona nadležan za boračku zaštitu za lica sa prebivalištem na području Kantona Sarajevo i to za: ratne vojne invalide i članove njihovih porodica, članove porodica šehida, članove porodica poginulih, umrlih i nestalih branioca, dobitnike ratnih priznanja i odlikovanja i članove porodica poginulih, umrlih i nestalih dobitnika ratnog priznanja i odlikovanja, ratne vojne zarobljenike i demobilizirane braniocе, ako nisu osigurana po drugom osnovu** (*izmjena 20/16*);
- k) organ uprave kantona nadležan za povratak i raseljena lica, za lica kojima je priznat status raseljenog lica;
- l) organ uprave općine za lica koja se nalaze u statusu socijalne potrebe, a nisu osigurana po drugom osnovu, pod uslovom da nemaju članove porodice koji su po zakonu dužni da se o njima staraju odnosno da nemaju nepokretne imovine;
- lj) nadležni organ uprave Kantona za zaposlenike u preduzećima koja nisu u mogućnosti da izmiruju obaveze po osnovu zdravstvenog osiguranja, u smislu člana 10. tačka j);
- m) **organ uprave kantona nadležan za zdravstvo za trudnice i porodilje do 6 mjeseci starosti djeteta, sa prebivalištem na području Kantona Sarajevo, ako nisu osigurana po drugom osnovu** (*izmjena 40/19*).

IV. OSNOVICA NAKNADA

Član 8.

(Osnovice za obračun i uplatu naknada)

Osnovice **naknada** na koje obveznici obračuna i uplate **naknada** iz člana 6. stav (1) plaćaju **naknadu** su:

- a) za zaposlenika koji je zaposlen sa nepunim radnim vremenom (*izmjena 20/16*):
 - plaća s tim da osnovica za obračun **naknada** ne može biti niža od najniže plaće utvrđene Općim kolektivnim ugovorom za teritoriju Federacije BiH (*izmjena 20/16*);
- b) za zaposlenika koji je zaključio ugovore o radu sa nepunim radnim vremenom sa više poslodavaca:
 - plaća kod svih poslodavaca, s tim da ista ne može biti niža od najniže plaće utvrđene Općim kolektivnim ugovorom za teritoriju Federacije BiH;
- c) za zaposlenika koji profesionalno obavlja funkciju i poslove u vjerskim zajednicama:

KS - Odluka o utvrđivanju osnovica, stopa i načinu obračunavanja i uplate naknada za obavezno zdravstveno osiguranje

- plaća s tim da osnovica ne može biti niža od najniže plaće utvrđene Općim kolektivnim ugovorom za teritoriju Federacije BiH;

d) za vlasnika privrednog društva sa sjedištem na području Kantona Sarajevo, ako nije obavezno osiguran po drugom osnovu:

- dvostruki iznos prosječne mjesečne bruto plaće isplaćene na području Federacije BiH prema posljednjem objavljenom podatku Federalnog Zavoda za statistiku;

Član 9.

Osnovice **naknada** na koje obveznici obračuna i uplate **naknada** iz člana 7. tačka a), b), d), e) i f) plaćaju **naknadu** su (*izmjena 20/16*):

a) za zaposlenika koji se nalazi na porodiljskom odsustvu:

- naknada plaće koja ne može biti niža od najniže plaće koja je utvrđena Općim kolektivnim ugovorom za teritoriju Federacije BiH;

b) za lice koje se nakon završenog obrazovanja nalazi na obaveznom radu radi sticanja praktičnih iskustava mogu biti:

1) naknada u skladu sa ugovorom zaključenim sa poslodavcem koja ne može biti niža od najniže plaće utvrđene Općim kolektivnim ugovorom za teritoriju Federacije BiH;

2) paušalni iznos od 6 KM ako je zdravstveno osiguran putem JU Službe za zapošljavanje;

3) ako nije osiguran po prethodna dva osnova, najniža plaća utvrđena Općim kolektivnim ugovorom za teritoriju Federacije BiH;

c) za lice koje se prijavljuje na lično zdravstveno osiguranje jer mu zdravstvena zaštita nije obezbijeđena po drugom osnovu, a ima sredstva za izdržavanje:

- prosječna mjesečna bruto isplaćena plaća na području Federacije BiH prema posljednjem objavljenom podatku Federalnog Zavoda za statistiku;

d) za lice koje penziju ostvaruje od domaćeg nosioca penzijskog - mirovinskog osiguranja:

- iznos neto isplaćene penzije s tim da osnovica ne može biti niža od iznosa najniže penzije utvrđene za korisnike penzija na teritoriji Federacije BiH;

e) za lica strane državljanke ili lica bez državljanstva koja nisu osigurana po drugom osnovu:

- prosječna mjesečna bruto plaća isplaćena na području Federacije BiH prema posljednjem objavljenom podatku Federalnog Zavoda za statistiku.

V. OBVEZNICI I STOPE NAKNADA IZ DRUGIH IZVORA

Član 10.

(Paušalni iznos naknada)

Naknada koja se utvrđuje u paušalnom iznosu i obveznici uplate ove **naknade** su (*izmjena 20/16*):

a) JU Služba za zapošljavanje Kantona Sarajevo koja na zdravstveno osiguranje prijavljuje nezaposlena lica iz člana 19. tač. 12., 13. i 14. Zakona o zdravstvenom osiguranju, u paušalnom iznosu od 6,00 KM po nosiocu osiguranja koji je prijavljen kod Službe za zapošljavanje i 3,00 KM po osiguranom licu kao članu uže porodice nosioca osiguranja;

b) nadležni organ uprave Federacije za učenike i studente vojnih i policijskih škola i akademija i za lica na redovnom odsluženju vojnog roka, ako nisu osigurani po drugom osnovu u paušalnom iznosu od 20 KM;

c) organ uprave kantona nadležan za poslove socijalne i dječije zaštite:

1) za djecu od rođenja do polaska u osnovnu školu, a koja nisu osigurana po drugom osnovu **te za djecu do navršenih 15 godina starosti života, koja ne pohađaju osnovnu školu, koja nisu osigurana po drugom osnovu** u paušalnom iznosu od 20 KM po prijavljenom djetetu (*izmjena 21/25*);

2) za lica nakon navršenih 65 godina života, koja nisu zdravstveno osigurana po drugom osnovu, u paušalnom iznosu od 20 KM po prijavljenom licu;

3) za lica civilne žrtve rata i **civilne invalide**, ako nisu osigurana po drugom osnovu, u paušalnom iznosu od 20 KM po prijavljenom licu (*izmjena 20/16*);

4) za **djecu do 15 godina života koja su ostvarila pravo na dječiji dodatak**, ako nisu osigurana po drugom osnovu, u paušalnom iznosu od 20 KM po prijavljenom licu (*izmjena 20/16*);

5) za lica smještena u ustanove socijalne zaštite i lica koja primaju stalnu novčanu pomoć, ako nisu osigurana po drugom osnovu, u paušalnom iznosu od 20 KM po prijavljenom licu;

d) nosioci aktivnosti za lica iz člana 24. stav 1. tačka 1., 2. i 3. Zakona o zdravstvenom osiguranju u paušalnom iznosu od 2 KM dnevno po osiguranom licu;

e) organ uprave kantona nadležan za obrazovanje za učenike i studente koji nisu osigurani po drugom osnovu u skladu sa članom 19. tačka 13 a. Zakona o zdravstvenom osiguranju u paušalnom iznosu od 20 KM po prijavljenom licu;

f) organ uprave kantona nadležan za boračku zaštitu za lica sa prebivalištem na području Kantona Sarajevo i to: ratne vojne invalide i članove njihovih porodica, članove porodica šehida, članove porodica poginulih, umrlih i nestalih branioca, dobitnike ratnih priznanja i odlikovanja i članove porodica poginulih, umrlih

KS - Odluka o utvrđivanju osnovica, stopa i načinu obračunavanja i uplate naknada za obavezno zdravstveno osiguranje

i nestalih dobitnika ratnog priznanja i odlikovanja, ratne vojne zarobljenike i demobilizirane branioce, ako nisu osigurana po drugom osnovu u paušalnom iznosu od 10 KM po prijavljenom licu - nosiocu osiguranja (izmjena 20/16);

g) organ uprave kantona nadležan za povratak i raseljena lica, za lica kojima je priznat status raseljenog lica, u paušalnom iznosu od 20 KM po prijavljenom licu;

h) organ uprave općine za lica koja se nalaze u statusu socijalne potrebe a nisu osigurana po drugom osnovu, pod uslovom da nemaju članova porodice koji su po zakonu dužni da se o njima staraju, odnosno da nemaju nepokretne imovine, u paušalnom iznosu od 20 KM po prijavljenom licu;

i) studenti preko 26 godina koji nisu osigurani po drugom osnovu, sami plaćaju **naknadu** za obavezno zdravstveno osiguranje u paušalnom iznosu od 20 KM mjesečno, a najduže do navršene 30. godine života (*izmjena 20/16*);

j) nadležni organ uprave Kantona za zaposlenike u preduzećima koja nisu u mogućnosti da izmiruju obaveze po osnovu zdravstvenog osiguranja sa učešćem državnog kapitala Kantona Sarajevo od 51% i više, a koja su u postupku stečaja, likvidacije, prestrukturiranja i privatizacije, u paušalnom iznosu od 20,00 KM po zaposleniku - nosiocu osiguranja, po posebnim aktima Vlade Kantona Sarajevo;

k) organ uprave kantona nadležan za zdravstvo za trudnice i porodilje do 6 mjeseci starosti djeteta, sa prebivalištem na području Kantona Sarajevo, ako nisu osigurane po drugom osnovu, u paušalnom iznosu od 20,00 KM po prijavljenoj trudnici, odnosno porodilji (*izmjena 40/19*).

VI. STOPE NAKNADA

Član 11.

Stope **naknada** na osnovice utvrđene članom 8. su:

a) tačka a) i b) - 12,5% iz ličnih primanja i 4% na isplaćena lična primanja na teret obveznika obračuna i uplate **naknada**;

b) tačka c) - 12,5 % iz ličnih primanja i 4% na isplaćena lična primanja na teret obveznika obračuna i uplate **naknada**;

c) tačka d) - 12,5 % iz ličnih primanja i 4% na isplaćena lična primanja na teret obveznika obračuna i uplate **naknada** (*izmjena 20/16*).

Član 12.

Stope **naknada** na osnovice utvrđene članom 9. su:

a) tačka a) -12,5% na osnovicu i 4% na teret obveznika obračuna i uplate **naknada** (*izmjena 20/16*);

b) tačka b) alineja 1) -12,5% na isplaćenu naknadu i 4% na teret poslodavca, tačka b) alineja 3) - 5% na utvrđenu osnovicu;

c) tačka c) - 5% na utvrđenu osnovicu;

d) tačka d) - 12,5 % na utvrđenu osnovicu;

e) tačka e) - 5% na utvrđenu osnovicu.

VII. OBRAČUN I UPLATA NAKNADA ZA OBAVEZNO ZDRAVSTVENO OSIGURANJE

Član 13.

(1) Obračun i uplata **naknada** za obavezno zdravstveno osiguranje kao i kontrola obračuna i uplate **naknada** vrši se na način i po postupku uređenom Zakonom o doprinosima, Zakonom o zdravstvenom osiguranju, Pravilnikom o načinu obračunavanja i uplate doprinosa ("Službene novine Federacije BiH", broj 64/08) i ovom Odlukom (*izmjena 20/16*).

(2) Na iznos **naknade** za obavezno zdravstveno osiguranje koje nisu uplaćene u propisanom roku obračunava se i plaća kamata u skladu sa zakonom (*izmjena 20/16*).

VIII. ZAVRŠNE ODREDBE

Član 14.

Danom stupanja na snagu ove Odluke prestaje da važi Odluka o osnovicama i stopama doprinosa za obavezno zdravstveno osiguranje za Kanton Sarajevo ("Službene novine Kantona Sarajevo", br. 11/00 i 10/05).

Član 15.

(Stupanje na snagu)

Ova Odluka stupa na snagu danom objavljivanja u "Službenim novinama Kantona Sarajevo".